



Komentar monetarnih kretanja za juli 2021. godine

Ukupna novčana masa (M2) na kraju jula 2021. godine je iznosila 30,08 milijardi KM, na mjesečnom nivou registrovan je rast za 457,8 miliona KM (1,5%). Rast novčane mase (M2) u julu 2021. godine rezultat je rasta novca (M1) za 440,2 miliona KM (2,7%) i blagog rasta kvazi novca (QM) za 17,6 miliona KM (0,1%). Novac (M1) povećan je usljed rasta gotovine izvan banaka za 221,6 miliona KM (4,3%) i prenosivih depozita u domaćoj valuti za 218,6 miliona KM (2%). Kvazi novac (QM) imao je rast prenosivih depozita u stranoj valuti za 59,7 miliona KM (2%) i istovremeno smanjenje ostalih depozita u domaćoj valuti za 39,6 miliona KM (1,3%) i ostalih depozita u stranoj valuti za 2,5 miliona KM (0,1%).

Na godišnjem nivou porast novčane mase (M2) u julu 2021. godine iznosi 3,09 milijardi KM (11,5%). Rast je ostvaren kod gotovine izvan banaka za 504,2 miliona KM (10,2%), prenosivih depozita u domaćoj valuti za 2,02 milijardi KM (22,1%), prenosivih depozita u stranoj valuti za 450,9 mil KM (17,%), ostalih depozita u domaćoj valuti za 92,9 miliona KM (3,1%) i ostalih depozita u stranoj valuti za 22,7 miliona KM (0,3%).



Protustavka rastu novčane mase (M2) na mjesečnom nivou u julu 2021. godine u iznosu od 457,8 miliona KM (1,5%) je rast neto strane aktive (NSA) za 563,6 miliona KM (3,3%) i smanjenje neto domaće aktive (NDA) za 105,8 miliona KM (0,8%). Porast novčane mase (M2) na godišnjem nivou od 3,09 milijardi KM (11,5%) rezultat je rasta neto strane aktive (NSA) za 2,77 milijardi KM (18,5%) i neto domaće aktive (NDA) za 319,7 miliona KM (2,7%).

Monetarni pregled

	Stanje u mil. KM VII 2021	Mjesečne promjene u mil. KM			Godišnje stope rasta u %		
		V 2021	VI 2021	VII 2021	V 2021	VI 2021	VII 2021
Aktiva							
1. Neto strana aktiva	17.732,2	195,8	133,6	563,6	15,5	17,2	18,5
1.1. Strana aktiva	19.665,2	185,6	48,2	515,7	8,4	11,6	13,3
1.2. Strana pasiva	-1.932,9	10,2	85,4	48,0	-28,1	-21,3	-19,5
2. Neto domaća aktiva	12.350,1	70,9	149,8	-105,8	4,5	3,6	2,7
2.1. Potraživanja od centralne vlade (neto) kantona i općina	242,4	53,4	30,0	-4,8	-159,0	-249,1	-861,5
2.2. Potraživanja od domaćih sektora	19.749,5	78,5	188,6	23,2	1,6	1,6	1,8
2.3. Ostale stavke	-7.641,8	-61,0	-68,8	-124,2	5,2	4,1	4,1
Pasiva							
1. Novčana masa (M2)	30.082,4	266,7	283,4	457,8	10,6	11,1	11,5
1.1. Novac (M1)	16.582,8	306,0	218,4	440,2	16,8	17,2	18,0
1.2. Kvazi novac (QM)	13.499,6	-39,3	65,0	17,6	4,1	4,5	4,4

Kreditni

Ukupni krediti domaćim sektorima na kraju jula 2021. godine iznosili su 20,82 milijarde KM. U odnosu na prethodni mjesec povećani su za 10,6 miliona KM (0,1%). Kreditni rast registrovan je u sektoru stanovištva za 59,8 miliona KM (0,6%) i ostalim domaćim sektorima za 26,8 miliona KM (18,9%). Pad kreditnog rasta registrovan je u sektorima privatnih preduzeća za 54,5 miliona KM (0,6%), vladinih institucija za 11,1 milion KM (1%) i javnih preduzeća za 10,4 miliona KM (2,1%).

Godišnja stopa rasta ukupnih kredita u julu 2021. godine iznosila je (1,9%), nominalno 388 miliona KM. Godišnji rast kredita registrovan je u sektorima stanovištva za 377,3 miliona KM (3,8%), privatnih preduzeća za 22,4 miliona KM (0,3%) i vladinih institucija za 39,8 miliona KM (3,6%). Smanjene kreditnog rasta registrovano je u sektorima javnih preduzeća za 42,2 miliona KM (7,9%) i ostalim domaćim sektorima za 9,3 miliona KM (5,2%).

Sektorska struktura kredita u BiH

	Stanje u mil. KM VII 2021	Mjesečne promjene u mil. KM			Godišnje stope promjene u %		
		V 2021	VI 2021	VII 2021	V 2021	VI 2021	VII 2021
Ukupno	20.819,2	72,8	164,3	10,6	1,9	2,0	1,9
Od toga:							
Stanovništvo	10.263,0	75,1	97,2	59,8	3,2	3,6	3,8
Privatna preduzeća	8.750,6	12,5	81,6	-54,4	-0,2	0,7	0,3
Vladine institucije	1.141,0	-4,2	-19,9	-11,1	6,7	4,6	3,6
Javna preduzeća	494,9	-6,9	0,4	-10,4	8,4	-5,7	-7,9
Kreditni ostalim domaćim sektorima	169,7	-3,7	4,9	26,8	-14,6	-17,3	-5,2

Devizne rezerve

Devizne rezerve Centralne banke BiH na kraju jula 2021. godine iznosile su 14,59 milijardi KM, povećane su za 407 miliona KM (2,9%) u odnosu na prethodni mjesec. Na godišnjem nivou devizne rezerve Centralne banke BiH porasle su za 1,35 milijardi KM (10,2%).